

# SAWA Kongres 2010



Die 34ste (suksesvolle) SAWA Kongres is gehou te Buffelspoort. Die volgende **Rietvalleiers** was daar:

- Chris en Ansie Delpont – Dagbestuur
- Jacques en Diana Fourie – Publikasie komitee
- Klaus en Anet Lübbert – Voorsitter Rietvallei
- Tjaart en Marietjie Klaasen – Ondervoorsitter Rietvallei

Die kampkommandante vir die kongres was Streek Oosvaal en hulle het hulself oortref met die reëlins en kosse wat voorgesit was.

Vrydagaand is daar saam boekevat gehou deur Ds (Dr) Hein Delport en daarna is heerlijk saamgebraai. Saterdagoggend het die kongresgangers stiptelik om 08:00 bymekaargekom nadat koffie en beskuit genuttig was. Teetyd is hamburgers, tee en koffie voorgesit waarna die tradisionele foto-sessie gevolg het.

Die kongres is vroegmiddag afgesluit nadat 'n vol program afgehandel is - *'n kort opsomming van 'n paar interessante aspeke wat bespreek was verskyn aan die einde van die artikel vir jul insae.* Later die middag is die Jakaranda Gebiedsbestuur uitgenooi en ontvang deur die Gebiedsvoorsitterspaar, Pieter en Johanna, vir 'n "ken mekaar sessie" waartydens tee, koffie en heerlike vrugtepons genuttig was.

Saterdagagaand is die dinee geopen deur Ds (Dr) Hein Delport, waarna die inhuldiging van die President asook die voorstelling van die Dagbestuur plaasgevind het. Ek gaan nie die spyskaart herhaal nie anders word julle dalk (weer) honger, maar glo my, dit was heerlijk.

Verskeie trofees en Nasionale toekennings is gemaak en weereens is Rietvallei navore geroep en is erkenning aan twee van ons lede gegee vir hul bydrae tot die sukses van Rietvallei:

- **Elsabe Grobler: Streek bydrae tot die SAWA webwerf – Eervolle vermelding**
- **Jacques Fourie: wenner van die Foto van die Jaar**

Lede binne Gebied Jakaranda het heelwat toekennings ontvang en so is die Sawa Vrou van die Jaar ons eie Johanna van Biljon.

### **Baie dankie aan bogemelde lede vir jul SAWA werk en baie geluk!**

Die TV lootjie (en glo my dit was 'n groot TV – 2 mans moes dit na die verhoog dra) is getrek en die gelukkige wenner was Oom Jan Du Preez.

AA geborgde pryse is ad hoc getrek deur Jurie Dreyer en 3 van die 9 pryse is as volg deur ons Rietvalleiers gewen:

- Diana Fourie - opvoubare toiletsakkie
- Klaus Lübbert - “six pack” koel houer
- Tjaart Klaasen- 3 in 1 flits- en kopligh stel

Sondagoggend se erediens is waargeneem deur Ds (Dr) Hein Delpont waarna die kongres afgesluit is deur die Nasionale Voorsitter, Jurie Dreyer.

Party kongres gangers is reeds vroegdag al weg maar die normale traag-om-huis-toe-te-gaan is weereens onder lede en kinders, veral die Rietvalleiers, bespreur!

So is nog 'n suksesvolle Kongres agter die blad, baie dankie aan al die betrokkenes.

Groete

Klaus en Anet & Tjaart en Marietjie



## **OPSOMMING VAN BESPREEKINGS PUNT TYDENS 2010 KONGRES**

- SAWA het op verskeie terreine bygedra deur middle van ons ere kollekte en die volgende bydraes is kumulatief sedert 2003 oorbetaal:
    - Bybelgenootskap R 144 229
    - Ander instansies bv ouetehuse en sorgsentrums R 177 221
    - Ander instellings R 203 634
- TOTAAL R 525 084.**

- Kampeer en woonwa veiligheid is bespreek en voorvalle van diefstal is gemeld, ook waar oortreders tot binne die wa was waar lede geslaap het – ons versoek dus dat lede asb voorsorg tref vir veiligheid van hul gesin en kamp toerusting

- Daar is suksesvolle gesprekke gevoer met ATKV, Golden Leopard Resort asook Forever Resorts ten einde saamtrekke meer bekostigbaar te maak – Klein Kariba se spesiale week tariewe is goedkoop en skynbaar het die oord ook hul ablusie geriewe opgeknop
- Atlanta oord se bestuur is weer genader maar daar kon nie suksesvolle onderhandelinge met hul bereik word nie
- Verskeie oorde is bespreek maar Rietvallei het reeds by meeste besoek afgelê of dra kennis van hulle, soos bv Mutango, Mopani, Silver Rock en Barham Bay
- Gebied Jakaranda het 'n nuwe Satelliet streek bygekry, nl Bronberg (wat die gebied oos vanaf Bashewa, Zwavelpoort tot by Delmas en Bronkhorstspruit bedien)
- Gebieds en Streeks plekname is verder onveranderd gelaat, soos beter bekend aan lede
- Op Nasionale vlak is die Senior Burgers besig om 'n 2011 Winter Toer te reël, dit sal deur die Wildtuin gaan en eindig by die Noordelike Presidente, die datums sal in die jaarprogram adverteer word
- Die belangrikheid van woonwa onderhoud en die nagaan van bande is bespreek, veral nadat daar tydens 'n saamtrek vasgestel was dat slegs 55% van die sowat 80 woonwaens teenwoordig, se bande in 'n goeie toestand was
- Die behoefte aan 'n meer dinamiese en interaktiewe webwerf is geïdentifiseer en sal weer met lede bespreek word
- SAWA se finansies, onder nasionale bestuur van Fanie Jordaan, is gesond en is so aanvaar
- 'n Geringe verhoging van R25 per jaar in ledegeld is goedgekeur en sien dus tans soos volg daaruit:
  - R230 per jaar vir lede onder 60 jaar
  - R220 per jaar vir lede bo 60 jaar

Die R10 afslag vir lede wat deur debietorders betaal, is ook nog van krag

  - Aansluitings fooi is onveranderd op R150 gelaat
- 2010/2011 se Nasionale Dagbestuur is as volg bekend gemaak:
 

○ President	Nico Spaumer
○ Voorsitter	Jurie Dreyer
○ Ondervoorsitter	Chris Delpont
○ Sekretaris	Willie Bronkhorst
○ Penningmeester	Fanie Jordaan
○ Skakelbeampte	André Knoetze
○ Administratiewe beampte	Juliana Knoetze
- 2011 se Kampprogram is bykans gefinaliseer en sal gepubliseer word in die Jaarprogram
- Gasspreker was Geoff Elske van AA en hy het verskeie aspekte bespreek, veral ten opsigte van die AA se toekomsplanne om nou met woonwa- assosiasies te werk deur middel van hul "AA-Reis-afdeling". Verskeie leesstof is uitgedeel en pryse, wat tydens die dinee uitgedeel was, is geborg.

